

光緒壬寅九月

大新廣東
版

附康南海辯革命書

73107
0131

253479

6733
3.07 3801



FUDAN 0F220001006055 复旦图书馆

新廣東 一名廣東人之廣東

第一節 緒論

太平洋客著



近年以來熱心愛國之士奔走於國中呼號於海外曰中國宜自立中國宜速自立不自立必滅亡必瓜分太息流涕幾於廢食者散矣聞言者考之其聞此說而興起者雖間有之而所謂中國自立之教見之於實事者竟杳如煙風茫如捉影傍徨乎無所獲焉昔者法國盧梭孟的斯鳩之書出現於世界而歐洲政體大變美洲亦行獨立及是書發現於日本也而日本又大變世界之視此書幾如醫國之善藥服之無不效乃若中國也者盧梭民約論則譯之矣孟的斯鳩萬法精理則譯之矣彌兒自由之理則譯之矣法國革命史美國獨立檄文亦譯之矣達爾文赫胥黎斯達人種競爭自存優勝劣敗之進化學亦稍譯之矣然求其如歐美日本朝出此書夕倡自立羣情洶洶不變不止者

SWH/25/02

乎不可得而聞也雖曰中國之人尙在智識幼稚時代不及歐美日本遠甚何其藥之無靈至于如此耶余嘗昧昧思之語曰見小者不可以語大見近者不可以語遠生於世界上文明最早河山最大海陸最廣物產最豐氣象最偉之中國北方若有鐵木真鐵木兒則鐵蹄可以直踐歐非之境南方若有納耳遜則航業可以全握萬國海上之權則中國者將爲世界之主人萬國之盟長矣此一千四百五十一州縣與及滿蒙新疆青海西藏諸屬部有鐵路以通之有輪舟以輔之亦數日半月之程耳曷言乎大曷言乎遠然而自一統以後各安其居無爭競則無遠征無遠征則無交涉無交涉則彼此不相聞問不相親愛故此省之視彼省也與秦人視越人之肥瘠無以異也於鄰省尙然況中國之名於其身泛而不切尊而不親大而無所屬遠而無所見欲志士捨頭富商捨財勇士捨命以圖其自立非仁人傑士有高瞻遠矚之心長駕遠馭之志者斷

乎未有能動者也夫治公事者不如治私事之勇救他人者不如救其家人親戚之急愛中國者不如愛其所生省份之親人情所趨末如何也故窺現今之大勢莫如各省先行自圖自立有一省爲之倡則其餘各省爭相發憤不能不圖自立各省既圖自立彼不能自立之省必歸併於能自立之省省省自立然後公議建立中國全部總政府於各省政府之上如日耳曼聯邦合衆國聯邦之例卽謂全中國自立可也此之注意有四者焉一因人心視其生省份之親切易於鼓舞二因專力一省易爲措置三因一省自立各省得以感動奮起不致如泛言中國各存觀望而無實志四因一省自立卽爲中國自立人人視其省爲中國之土地而圖自立則視此中國自爲切實將來聯合亦自容易有是四者故一省自立之說不可不大明也吾廣東人請言自立自廣東始姑名是議曰新廣東以諗我廣東人欲享新國之福份者

第二節 論廣東有自立特質

嗚呼自中日戰爭以後天下皆知朝廷之不可恃有志之士知非急圖自立不足救亡國亡種之禍而共屈指各省之可以自立者莫如廣東奴隸之籍刀俎魚肉之場者莫不曰其廣東哉其廣東哉是果非自立之難哉中國全亡可也噫廣東其關係于中國如是乎且夫我廣東亦不過中國行省之一耳何所表見於天下而顧爲天下所注目齊視楚視魏視趙視特許焉可以自立免犬馬奴隸之籍刀俎魚肉之慘者何哉豈其漫無所據而謬爲是說以媚廣東人歟抑以廣東人之不能自立反重言以刺之歟我廣東人廣東人其亦思之否乎蓋我廣東有特質異於各省者數端而其爲中國特異之點蓋甚於他省也試淺千里天府之國華實之毛則九州之上腴防禦之固則九州之要隘者也試淺言之

一曰人才之出衆廣東通商最早風氣最開其能通外事知內情者所在而有故自有洋務以來其變國政之形式者皆廣東人始之商務製造局等事變國民之精神者若開報館開學堂開學會開工廠等事無不發起於廣東人之手而他省無聞焉其在中國之內部如此若夫在海外者除福建人外則皆廣東人也間有能談時事開報館遣子弟入外國學堂者惟廣東人爲多而近年又有一大會以團海外數百萬人爲一體講愛國愛種之策儼成一外中國新中國焉於是中國全部之事幾於有廣東人即興無廣東人則廢外人之論中國者輒謂命脉在於廣東誠非虛語也

政治理財武備製造之精者皆不勝屈於人下之遊於各省者也
一曰財力之雄厚廣東以財雄聞於天下中外所公認也咸同以來政府若有兵事賑荒國債賠款需大款大餉等項莫不向廣東而搜括其數常數倍於各

省歲出達數千萬萬以上此廣東之財耗於政府者也而貪官污吏尤以廣東爲窟穴其各省無賴之子人類所不齒者輒相借貸捐官以取倍稱之息分省得廣東則親戚友朋置酒而相賀到任纔數月莫滿不載而歸嗟我廣東人其飽虎狼之吞噬者歲不知幾何矣此廣東之財耗於官吏者也至于洋貨之進口以廣東爲大宗此廣東之財耗於外洋者也然而統稽一縣之財往往比他荒瘠之一省而有餘卽比之歐洲小國亦未見其不足固由出外洋善經商之故而其飲食起居器用奢麗之程度各省常爲驚羨所未見蓋粵人一月之費足彼一歲之費者常多則財力之厚可知此財力之超于各省者也

一曰地方之握要中國漢人本部可以建京師以臨全局者有五省焉北京無論已江蘇可以建東京以收東海之利四川可以建西京以制衛藏之勢武昌可以建中京以集中央之權其背負揚子江面對南洋千萬島嶼者厥惟廣東

是可以建南京以握東西兩洋之吭然廣東地勢有獨立性質異于他省者一則北部諸省或黃河共之流域中部諸省或共揚子江之流域而廣東則特受珠江之流域二則各省或爲水陸交通之勢或爲背山面海之形其間風氣皆可以相通而廣東則背橫長嶺萬餘里焉與中原聲氣邈絕其言語風俗往往不同三則外國文明輸入中國者以廣東爲始東西兩洋輪舶之所必經海外萬島皆其種族之所流寓卽謂之廣東殖民地亦非過也四則廣東港口紛歧與海外交通之利便萬物皆可運入無能留阻不獨南部諸省所獨卽北中二部諸省亦所不能此地勢之別于各省者也

一曰戶口之繁殖廣東人口滋生之易世界殆無其比每年疾疫水旱風雨之災死亡者動逾百萬其接踵而生者轉瞬卽過於其舊一則地當溫帶生產易盛二則海舶紛來偏災易救若夫高原諸省一旱則餓莩相望河流江流諸省

大水則淹沒無數而且地方寒瘠謀食甚難一經災殄有百年而元氣未復者乃廣東孳孕力之雄厚不獨充塞其本部其澎湃海外者且至數百萬焉與歐美諸大國並矣彼丁抹瑞典葡萄牙西班牙諸邦其人口有不及廣東之一縣一府者此人口之遍於各省者也

第三節 論當自立之義

夫以人才衆多如此財力雄厚如此地勢握要如此人口繁殖如此當今萬國稱爲富強者實不過此數者焉而謂我廣東人有此尙不足以自立有是理乎然而我廣東人方嬉笑醉夢不知瓜分之慘已在目前甘爲西人之牛馬奴隸刀俎魚肉方指言自立者之爲多事而從而攻之也吾請卽攻者之意而解之彼豈不曰外人之要我廣東也必我朝廷許之我朝廷許之我民焉敢抗之我則曰諸君亦知廣東之土地乃我廣東人世世聚身家妻子性命財產之所朝

廷未嘗將其身家妻子性命財產委於廣東乎則其視廣東如他人之物則其以廣東土地賣于他人爲居處廣東人民賣與他人爲奴隸如以他人之物贈于他人而已豈足動其心哉夫以自已之身家性命妻子財產無端爲他人所賣其當理論與否庸人皆能知之矣且今所謂朝廷者乃韃靼之種其部落居於滿洲長白山之下在萬里長城之外本與我中國黃帝之孫孫不同種族者也彼乘明季之亂侵我中國其時張獻忠李自成蹂躪行省者十有八年矣殺人如麻偏地皆赤中國之人死亡殆盡或致數千里無人烟彼滿洲率然闖入視行屠洗內力疲敗不能驅之遂不得已而爲臣服試問彼朝廷所居之土地非強借吾中國祖先之土地而誰乎夫借居我中國人之土地則應守之既不能守則應以土地還之中國人豈得以勢力衰弱求好他邦私以吾土地贈之與中國者中國人之中國也中國人以土地與人尙且不可何況其他此無理

無義有人心者所公憤也此宜自立者一

吾又歷取所謂朝廷者之心術而言之自入關以後漢滿歧視彼君臣常以防家賊爲至策所行之政無一爲漢人者雖以聖祖之仁亦不過外施仁義籠絡漢人于股掌之上以消滅我中國人恢復之熱心然而自外蠻以來屬國盡割沿海盡割從不顧惜卽一紙以告吾民所以割棄之故亦從來不一見夫主人之贈奴婢于人也亦必問曰願從此人否乎奴婢曰願則贈否則否何況贈國贈民之事絕不一告于民則是視民曾奴婢之不若也夫以奴婢事人彼猶不肯以奴婢憐我非自立豈有望哉此宜自立者二

政者又曰吾非不知拒外國爲義舉奈朝廷指我爲叛逆夾兵以鋤我奈何吾則曰諸君諸君我中國人之甘爲順民也以朝廷能保我也朝廷不能保我而反棄我是朝廷先爲叛逆也夫悖於義之謂叛逆乎理之謂逆君棄其民父棄

其子夫棄其妻此其悖義違理昭然顯著爲何如也孟子曰君之視臣如草芥則臣視君如寇讐視如草芥尙以寇讐報之况乎不能保我而割我棄我賣我復不准我之自保僭他人而殺我則是其爲寇讐何如矣斯時君臣之義既絕彼非吾君我非彼民來侵者一例以敵人視之且靖內且拒外鐵血流漸以換國民之幸福而已不然者則如強盜擄人婦女以爲妻妾縛人子弟以爲奴僕一旦勞去復委之於他盜是生生世世永爲羊炙之烹子子孫孫長飽牛刀之口奴婢之契永無脫期天日之明終古不見此宜自立者三

諸君諸君亦知今日所謂朝廷者其勢力衰弱不能自保過於我民乎彼其祖宗發祥之地累葉天潢盤據之場非滿洲東三省乎中日戰後岌岌自危使李鴻章使俄密訂條約願附屬於俄人領土之下噫當其祖宗盛時率塞外鐵蹄蹂躪中原翦滅漢種凶威所加率土慴伏而今其子孫乃盡其所有託庇俄人

以求一夕之安何其竟耶彼既不能自保護能保我被壓日賣地賣民以求自安其種類我亦何可不求自立以求自安乎此宜自立者四

且夫自立者天地之大義生人之本分不可不為當不力行者也我人日呻吟於專制政體之下不得平等自由登進文明之路早宜樹獨立旗幟自由鐘以奮我國民之神神以復我天賦之權利雖以清政府未到如斯地位尙須早圖自立以除阻我文明之進步矣如況其後類至於今日者乎此宜自立者五

若夫廣東者去朝廷愈遠棄之尤爲不顧故割去之數比各省尤多一割香港再割澳門三割廣州灣四割新安今又聞割香山全縣矣當其割香港澳門也廣州灣新安之人必不料其及我也當其割新安廣州灣也香山全縣之人亦不料其及我也然則合廣東之人試指某州某縣必割某州某縣必不割吾恐不一人能斷也然則廣東全省皆有趨於爲他人犬馬奴隸魚肉刀砧之勢何

不聯爲一氣以圖自立之爲愈乎省城爲財賦之區故朝廷不欲遽棄之以其便於維掘也然河南則棄之矣省城爲全省所觀瞻故各國不欲遽取之以觸全粵之怒也然河南則踞之矣以時與勞考之取矣此宜自立者六

第四節 論自立之當預備與去俗見并廣東不知自立之害

諸君諸君其仍有疑于自立之說否乎若不以爲大謬也則請神自立之策夫合中國人而言自立則規模自有不同然我與諸君皆廣東人也請先言我廣東人之自立夫自立之策多矣或有不可明言不可贅言者今僅可以明言豫言者相告而已

夫天下之事非圖之於數十年之前而根基不立未有宅無預備而可以臨局裕如者書曰凡事豫則立不豫則廢誠哉是言也波亞之爭也古巴之抗西班牙也其深謀至計皆於無事之時而陰爲布置波亞之爭給與英人之

侵其國權而思動其國人之怒日日憤言曰不與我自由甯與我死室中懸此二語以自刺激大有子胥使人日呼夫差無忘父仇之意故與天下最強之英開釁一戰而擄其將帥後雖屢勝屢負而血戰數年全無所屈大地之上以小國而拒大國至於如此之久者歷史中殆罕見也今雖局猶未終然使地球強邦知滅人之寸土尺地皆須血肉相薄頭顱相換則吞噬之心必稍有所戢蓋知與自由之國民戰必喪其許多之性命必費其許多之財帛必延其許多之時日而始得人尺寸之地得不償失人情所不樂爲也古巴未起時其義士密開同盟會派人各邦陰聯同志大集巨資而又將西班牙貪暴之虐政與島人受害之慘狀繪布流傳俾全島見之而切齒扼腕慷慨流涕曰吾誓圖自立雖死不悔矣痛心之至堅忍之至故能以小島區區之衆而抗西班牙全國之師困難三年卒得外助以脫其羈絆而獲今日之安全焉諸君諸君試觀政府之

於吾民其與英人之於波亞西班牙之於古巴果何如也然吾恐諸君不覺也我中國人奴隸犬馬性質既種於數千年來無論官吏之如何貪酷政治之如何昏亂法律之如何橫弛國家之如何傾覆皆無所動其中必待淫其妻子燒其田廬殺其父兄搜其財帛始遽然覺也然苟非刀加於頸繩束於身猶或以爲可以幸免焉欲其如波亞古巴之預爲蓄謀必萬萬不可得蓋其不知廉恥爲何事報復何義無所不忍無所不受刺之不知激之不動如小說家所謂銅皮鐵骨之人非中其咽喉絕不知痛嗚呼人類至於如此殆與禽獸等矣吾何忍言哉然新安廣州灣之義舉諸君耳目間殆有所聞見也其受害之慘殆有以觸兔死狐悲之念也然則欲圖自立其得失之林亦鑒於所割沿海地之前轍而已矣計所割沿海地除廣東四割外曰海參崴曰澎湖曰臺灣曰膠州灣曰旅順曰大連灣曰威海衛而臺灣爲最大中國人言自立者以臺灣爲起

點當臺灣未割時志士亦知危亡矣頗倡開會以圖自立之說然臺灣之權在
富紳官吏亦仰其鼻息富紳之資常至千萬以上其數百萬數十萬十餘萬者
蓋多有之皆以財得官愚昧不悟其事遂止迨開國歸日本臺民大怨始知朝
廷離始君澤而立總統而舊日之圖日開而臺民之怨始知朝廷之爲身計
者陰利歟於日本引由間道取臺省時臺灣無戰而日本之舉事實有在於
內與臺軍大爲衝突而臺軍祇知守海門間道及諸然無人焉日軍一人推廣
二軍大亂而走總統亦遁全臺遂潰其所謂先機安禍之說發者乃謂爲日
本所奪至不敢歸臺漂流內地以延殘喘焉嗚呼今日之國視其異於臺灣者
有幾哉其毋爲漢奸以自誤矣吾嘗考臺灣所以失計之故一臺灣四面環海
海道太多無海軍必不能守與他省異二先事不立臨危創舉三內亂不除兵
權不一四漢奸輸情內事不密此數者皆言自立者所當知也